

## Ilanngussaq 1

### **Kalaallit Nunaanni sulisilluni ajoqusersinnaanermut isumannaarinq pillugu inatsisip allannguuteqartinneqarnissaanik siunnersuutip pingaarnersiorneqarnera**

Sankt Kjelds Plads 11  
Postboks 3000  
2100 København Ø  
Tlf. 72 20 60 00  
Fax 72 20 60 20  
ask@ask.dk  
www.ask.dk  
CVR-nr. 16809934  
Man 9 - 15  
Tirs - fre 9 - 12  
24. juni 2013  
Ler

Kalaallit Nunaanni sulisilluni ajoqusersinnaanermut isumannaanerit pillugu inatsimmi nr. 1528, 21. december 2010-meersumi allannguutissatut siunnersuummi matumani ilanngunneqartumi allannguutissamerngit makkua siunnersuutigineqarput.

Allannguutissatut siunnersuummut nassiuatissat pingaarnerit ukuupput:

- inatsimmi § 14 naapertorlugu suliaritinnermi aningaasartuutitut taarsiiffigitittarnermi periusaasoq allanngortinniarneqarpoq imaalillugu, erseqqissumik allassimalissasoq ajoqusersimasumut Kalaallit Nunaanni peqqinnissaqarfinni suliaritinnissaminut pisinnaatitaanngitsumut, soorlu Kalaallit Nunaanni najugaqavinninnini pissutigalugu, tunngatilugu peqqinnissaqarfiup aningaasartuutitigut pisussaaffiini sulisilluni ajoqusersinnaanermut isumannaarisooqarfik pisussaaffeqassanngitsoq.
- Nakorsamit missortinnissamut suliaritinnissamullu atatillugu angalanerit akunnikkallar-nerillu angalatitseqatigiiffinit allaneersunit isumagitinneqarsinnaapput, sillimmasiisar-finnut imaluunniit Arbejdsmarkedets Erhvervssygdomsforsikringimut akilersillugit.
- Danmarkimisulli naammagittaalliorsinnaanermut piffissaliussaq atuutilersinneqassaaq, aamma Arbejdsmarkedstyrelsen pisortaa naammagittaalliorsinnaaneq pillugu nalunaarusiorsinnaatitaassaaq.
- Erseqqissarneqassaaq suliasat Naalagaaffimmi, Namminersorlutik Oqartussani imaluunniit kommunini sulisunut tunngasut Center for Arbejdsskader-p isumagisai Naalagaaffiup, Namminersorlutik Oqartussat aamma kommunit imminut sillimmasersimasut akiler-tassagaat

Siunnersuutit tunngaveqarput Center For Arbejdsskader-p inatsimmik atortuutitsinermini misilittagaatigut.

Siunnersuummi pingaartillugu siunertaavoq kalaallit sulisilluni ajoqusersinnaanermut isumannaarisarnerat ullutsinnut naleqqunnerulersinneqarnissaa kalaallilu inuiaqatigiit pisariaqartitaannut naapertuulluarnernissaa. Inatsimmi oqaatsit ilaannik allannguilaarnissaq pineqarpoq, isumannaarinikkut aqqissuussineq inuiaqatigiinnut kalaallinut tulluussagaq, sullissinermik pitsaanerusumik kinguneqartussaq. Siunnersuut pisortanut, suliffeqarfinnut aamma innuttaasunut aningaasatigut allaffeqarfitsigulluunniit ingerlatsinikkut kinguneqassanngilaq.